

本草匯纂

三
四



本草匯纂卷三

孝感屠道和燮臣輯

溫散

草豆蔻 端入脾胃。辛熱香散性兼有瀉無毒燥溼除寒逐
胃口上風寒止當心疼痛。凡溼鬱成病而見胃腕作痛服
之最爲有效。若使鬱熱內成及陰虛血燥者服之爲大忌耳。
溫中調中補胃健脾消食開鬱破氣治瘴療寒瘧傷暑吐
下洩痢噎膈反胃痞滿吐酸痰飲積聚霍亂嘔吐婦人惡阻
帶下消酒毒殺魚肉毒制丹砂去口中臭氣。功與肉蔻相
似。但彼溫性居多能止大腸滑脫也。又功與草菓相似。但彼
辛熱浮散專治瘴癘寒瘧也。閩產名草豆蔻如龍眼而微

本草綱目卷三
長皮黃白薄而稜峭。仁如砂仁。辛香氣和。滇廣所產名草菓。如訶子。皮黑厚而稜密。子粗而辛臭。雖是一物。微有不同。與知母同用治瘴瘧寒熱。一陰一陽。無偏勝之害。蓋草菓治太陰獨勝之寒。知母治陽明獨勝之火。

草果 喘入胃 辛熱浮散。溫胃逐寒。治瘴癘寒瘧。破氣除痰。

消食化積 凡冒巔霧不正。瘴瘧服之。直入病所。皆效。合常

山則能截久瘧。同知母則能除瘴癘寒瘧。同橘半用則能除

膈上痰。同楂麵用則能解麪食魚肉。若使非因瘴癘。或因

溼熱而見瘀滯。傷暑而見暴注。洩赤口乾。及氣不實。邪不盛

者。則並禁焉。與草蔻皆用麪裹煨熟取仁。忌鐵器。諸書

載與草蔻氣味相同。功效無異。蓋草豆蔻治病取其辛熱香



散能入太陰陽明除寒燥溼開鬱化食此因南地卑下山嵐煙瘴飲啖酸鹹脾胃常多寒溼濡滯之病故必用此相宜然多則助脾熱傷肺損目

使君子 耑入脾胃 味甘氣溫無毒溫脾燥胃殺蟲除積

助脾胃除溼熱治小兒五疳及百病瘡癰乳停食滯大人小便白濁瀉痢腹蟲消積滯利水道 凡殺蟲藥多係苦辛惟

使君子樞子獨異每月上旬蟲頭向上中旬向中下旬向下於上旬空心服此數枚則蟲皆死而出 忌熱茶同服令人作瀉 出閩蜀五瓣有棱內仁如樞亦可煨食久則油黑不可用

白荳蔻 耑入肺脾胃兼入大腸 辛溫香竄宣散肺分寒滯

溫煖脾胃。理元氣。收脫氣。消穀下氣。寬膈進食。治噎膈。

酒毒。本與縮砂氣味功用相同。然此另有一種清爽妙氣。

而爲肺家散氣要藥。且流行三焦。而治寒食膨脹虛瘧吐逆。

反胃腹痛並翳膜目眚紅筋等症。不似縮砂辛溫香竄兼。

苦功。耑和胃醒脾調中。而於肺腎則止兼及。肺胃有火及。

因熱腹痛火升作嘔。肺氣虛胃氣薄者。切忌。番舶者良。去。

衣微焙研細。凡用藥治病。最宜審諒氣味形質。詳細考求。

不可一毫忽略。竟無分別。

縮砂密。耑入脾胃。兼入肺大小腸膀胱腎。辛溫而瀉。補肺。

益腎。和中行氣。止痛安胎。爲醒脾養胃要藥。治虛勞冷瀉。

宿食不消。赤白洩痢。腹中虛痛。冷氣痛止。休息氣痢。消化水。



穀溫暖肝腎。

上氣欬嗽奔豚鬼疰驚癇邪氣霍亂轉筋脾

胃氣結滯不散散寒飲脹痞噎膈嘔吐止女子崩中除咽

口齒浮熱化銅鐵骨哽起酒香味。

痛有喜按拒按之別痛

喜手按多屬脾胃虛寒治須用此否則切禁。

痞有因寒熱

暑溼痰氣血食八種之別尤須審其兼症兼脈以求不可盡

以砂仁爲治瀉痢由於寒溼者宜熱溼者忌。

安胎惟挾寒

滯者始宜挾熱屬虛浮者勿用且多服耗氣必致難產。出

嶺南炒碎用。

木香 耑入肝脾。

味辛而苦氣溫無毒。

疏肝醒脾散滯和

胃下氣寬中爲三焦氣分要藥。

治邪氣解毒疫瘟鬼殺鬼

精物溫瘧蠱毒膀胱冷痛嘔逆反胃霍亂泄瀉痢疾九種心

痛。疰癖癥塊。壅氣上衝。治心腹一切氣煩悶。逆氣裏急。主脾
滲。小便祕。女人血氣刺心痛。不可忍。爲末。酒服。並治衝脈
爲病。健脾消食安胎。木香。崙泄快胸腹。間滯塞冷氣。他劑
次之。得橘皮肉。荳蔻生薑相佐。使絕佳。效尤速。入理氣藥
磨汁生用。若實大腸麪煨熟用。但香燥而偏於陽。肺虛而熱
血枯而燥者。慎勿與之。

香附。崙入肝膽兼入肺。辛苦香燥。入肝開鬱散滯。活血通

經。兼行諸經氣分。治心腹中客熱。膀胱閒連。脇下氣。常

日憂愁不樂。心忪少氣。利三焦。充皮毛。久服令人益氣長鬚

眉。治霍亂吐瀉腹痛。腎氣膀胱冷氣。散時氣寒痰。利三焦

解六鬱。消飲食積。聚痰飲痞滿。肘腫腹脹。腳氣止心腹肢體



頭目齒耳諸痛。癰疽瘡瘍吐血下血尿血。婦人崩漏帶下。月
候不調。胎前產後百病。生則上行胸膈。外達皮膚。熟則下
走肝腎。外徹腰足。燥黑則止血補虛。鹽水浸炒則潤燥。青鹽
炒則補腎氣。酒浸炒則行經絡。醋浸炒則消積聚。薑汁炒則
化痰飲。得參朮則補氣。得歸地則補血。得木香則疏滯。和中
得檀香則理氣醒脾。得沈香則升降諸氣。得川芎蒼朮則總
解諸鬱。得梔子黃連則降火熱。得茯苓則交濟心腎。得茴香
補骨脂則引氣歸元。得三棱莪朮則消磨積塊。得厚朴半夏
則決壅消脹。得紫蘇蔥白則解散邪氣。得艾葉則煖子宮。乃
氣病之總司。大抵婦人多鬱。氣行則鬱解。故服之尤效。大凡
病則氣滯而餒。故香附於氣。分爲君。舉世所罕知。臣以參耆

佐以甘草治虛怯甚速也。按此耑屬開鬱散氣與木香行

氣貌同實異。木香氣味苦烈故通氣甚捷。此則苦而不烈故

解鬱居多。但氣多香燥陰虛氣薄者禁用。或酒或醋或

童便或鹽水浸炒各隨本方製用。經候須詳病症用藥如

將行而痛者屬氣滯屬實行後而痛者屬氣與血俱虛痛而

喜按者屬虛痛而拒按者屬實痛而喜按色淡者屬虛痛而

拒按色紫者屬實大抵崩漏多因氣虛血熱而成故須涼血

補氣爲要。

葶撥 耑入胃兼入脾膀胱。氣味辛熱無毒散胸腹寒逆陽

明浮熱。治頭痛鼻淵牙痛嘔逆醋心霍亂冷氣心痛消食

除胃冷補腰腳殺腥氣。與阿魏和合良得訶子人參桂心

乾薑治臟腑虛冷腸鳴神效。病患偏頭風痛。須先口含溫水。隨左右以此末吹鼻。最效。牙痛必用乾薑細辛調治。熱痛用石膏牙硝。風痛用皂角。蠶蜂房二烏。蟲痛用石灰。雄黃。醋浸焙刮去皮。栗子淨免傷人肺。古方用此甚少。以其耗散真氣。動脾肺之火。以致喘咳目昏腸虛。按涕濃而臭者爲淵涕。清而不臭者爲鼻。鼻生有肉痛極而不下垂者爲癰肉。下垂而不痛者爲鼻痔。

艾葉 耑入肝脾兼入腎。辛苦性溫無毒。其氣芳烈純陽。

除沈寒痼冷。回陽氣將絕。生肌肉。辟風寒。溫中逐冷。除溼。止霍亂轉筋。痢後寒熱。止腹痛。殺蛇蟲。治下部蠹瘡。金瘡。止吐血。衄血。下血。膿血痢。婦人漏血帶下。治帶脈爲病。腰溶溶。

本草綱目卷三
五

如坐水中。安胎。煖子宮。開鬱。苦酒作煎。治癰甚良。古方。

同阿膠以治虛痢。及胎前後下血。同香附製丸以調經血。而

溫子宮。兼除心腹諸痛。同乾薑蜜爲丸。以除冷感。鬼邪諸氣。

同白礬爲末以治疥瘡。又以熟艾布兜以治寒溼腳氣。及老

人臍腹畏冷。用絹裹以擦風瘙癢疹。皆取辛溫以散。若症非

寒溼而用是藥燥烈以治。其失匪輕。艾用火炙則氣下入

藥則熱氣上衝。陽氣將絕之候。炙之卽能回陽。且能通經。

以治寒溼百病。氣虛血虛者禁用。取蘄州艾陳者良。揉

搗如綿。謂之熟艾。炙火用。婦人丸散煮搗餅再爲末用煎服。

生用。蓋生用則溫。熟用則熱。苦酒香附爲使。

大茴香 耑入肝兼入腎膀胱小腸 辛甘性熱無毒 入肝



燥腎除肝經絡沈寒痼冷。調中止痛。開胃下氣。補命門不足。煖丹田。治諸癰。霍亂嘔吐癰疝。陰腫腰痛。小腸膀胱間冷氣。及乾溼腳氣。並肝經虛火從左上衝頭面。有腫謂溼。無腫謂乾。腳氣。蓋茴香與肉桂吳茱萸皆屬厥陰燥藥。但萸則走腸胃。桂則入肝腎。此則體輕能入經絡也。必得鹽引入腎。發出陰邪。故治疝有效。但昏目發瘡。若陽道數舉。及得熱則吐者戒。鹽水炒用。得酒良。耑入藥用。若入食料。則不合宜。

小茴香 耑入肝胃兼入腎膀胱小腸 辛香氣溫無毒 健脾開胃。理氣利膈。治霍亂嘔逆腹冷。不下食。溫腸滋食味。補水臟。治腎氣壯筋骨。療兩肋痞滿。閃挫腰疼。牙齒疼痛。殺

魚肉毒。夏月祛蠅辟臭。小如粟米。食料宜之。得酒良。得鹽則入腎發邪。故治陰疝寒疝。但性力稍緩。不似大茴性熱。多食傷目發瘡。不宜多用。八角茴性平味辛甘。功用略同。自番舶來。實大如柏實。裂成八瓣。一瓣一核。黃褐色。與小茴皆不入藥。

益智。耑入脾胃兼入腎。氣味辛熱。功耑燥脾溫胃。及斂脾腎氣逆。藏納歸源。此以散寒爲斂。非收斂之斂。故又號爲補心補命之劑。益脾胃理元氣。補腎虛。治遺精虛漏。小便餘瀝。益氣安神。利三焦。調諸氣。治客寒犯胃。冷氣腹痛。及心氣不足。多睡赤濁。白濁。熱傷心。系吐血。血崩諸症。小便多者。取二十四枚。碎入鹽同煎。有奇驗。胃冷而見涎唾。則用

此以收攝。蓋涎唾由於胃冷。收攝亦是溫胃。不當作甘補收斂看。脾虛而見不食。則用此溫理。蓋脾虛亦是脾寒。不食不可作中空宜補看。只是散寒逐冷。腎氣不溫而見小便不縮。則用此鹽炒與烏藥等分爲末。酒煮山藥粉爲丸。鹽湯下。名縮泉丸。亦以溫爲縮也。心腎不交而見夢遺崩帶。則用此以爲祕精固氣。亦以溫爲固。非以收澹爲固也。若因血燥有熱。及氣虛而見崩帶遺濁等症者。不可誤入。此雖與縮砂同爲溫胃。但縮砂多有快滯之功。此則止有逐冷之力。宜分別審用。出嶺南形如棗核。取仁鹽炒用。

山柰

揣入胃。

氣味芳香。功能煖胃辟惡。

暖中解瘴癘。治

心腹冷痛。寒食霍亂。及風蟲牙痛。

若症非溼穢。不得妄用。

出廣東根葉同生薑與甘松良薑俱入香料。治牙痛用山柰爲末鋪紙上捲作筒燒燈吹滅乘熱和藥吹入鼻內痛卽止。攝生方用肥皂一個去穢入山柰甘松各三分花柳食鹽不拘多少填滿麪包煨紅取研日用擦牙漱去。水雲錄治婦人頭屑用山柰甘松零陵香一錢樟腦二分滑石半兩爲末夜擦旦篋去。

甘松 耑入脾。甘溫無毒。芳香升竄醒脾開鬱辟邪除惡。

治惡氣卒中。心腹痛滿。下氣風疳。齒齲黑皮。黠黠及野鷄痔。得白芷附子良。出涼州葉如茅根緊密者佳。此屬草部。與松木松香不同。聖濟總錄治風疳蟲牙蝕肉至盡用甘松。

膩粉各二錢半。蘆薈半兩。猪腎一對。切炙爲末。夜嗽日復貼。



之有涎吐出卽愈。若腳氣膝腫煎湯淋洗惟寒溼則宜熱

溼者休用。

良薑 耑入胃。氣味辛熱無毒。溫胃散寒除泄。治胃腕

冷痛消宿食解酒毒去食積不消絞痛殆甚及霍亂泄痢吐
惡寬胸膈除瘴癘破冷癖去腹內久冷氣痛下氣益聲好顏
色。忽然惡水嘔清水含塊噫津須臾卽瘥。口臭者同草
豆蔻爲末兼飲。若傷暑泄瀉實熱腹痛切忌。虛人須與
參朮同行若單用多用恐犯沖和之氣。

紅豆蔻 卽良薑子。氣味辛甘而溫。治腸虛水瀉心腹絞痛。
霍亂嘔吐酸水噎膈反胃虛瘧寒脹散寒燥溼醒脾溫肺去
宿食解酒毒治風寒牙痛及瘴霧毒氣。忌製同上有火者

服之恐傷目致衄。凡有心口一點痛者，乃胃脘有滯，或有蟲也。多因怒極受寒所致，非心氣痛也。用高良薑酒洗七次，同香附子醋洗七次，焙研。因寒薑末爲君，附末佐之，因怒附末爲君，薑末佐之。寒怒兼有，平用以米飲入生薑汁一匙，鹽一捻服之，卽止。

乾薑 耑入胃 其味本辛，炮製則苦。大熱無毒，守而不走，溫

中散寒，消痰開胃。治胸滿，欬逆，上氣，心下寒痞，目睛久赤。

反胃，乾嘔，霍亂，止唾，血鼻洪，寒冷腹痛，腰腎間冷痛，皮間結

氣，瘀血，撲損，風邪諸毒，腸癖下痢，及夜多小便，去風痺，消宿

食，通四肢關節，開五臟六腑，宣諸絡脈。凡胃中虛冷，元陽

欲絕，合附子同投，則能回陽立效。故書有附子無薑不熱之

目睛久赤，宜此
出熱，厚切，力不破
用乳薑，厚切，力
脈，症，不可拘於文
字

